

LI.

De consuetudinibus inter Raguseos et homines comitatus
Chelmi

Et si aliquod discordium vel debitum aut aliquod malefactum devenerit inter homines Ragusii¹ et homines de comitatu de Chelmo, et comes Ragusii cum Comune Ragusii et comes de Chelmo propter hoc vellent ordinare constitutum terminum esse ad stanicum, sciendum est quod utraque pars debet esse ad locum constitutum ad Sanctum Stephanum in Malfo de foris, et ibi debent se coniungere ad plenerium stanicum. Et debent eligere tot iudices ex una parte quot ex alia qui debent iurare ad evangelium Dei iudicare omnes questiones et placita que ibi fient², bona fide sine fraude secundum antiquam consuetudinem. Et d. comes Ragusii tenetur et debet facere ut omnes Ragusei qui tempore illo inveniuntur in Ragusio, et vocati fuerint a Sclavis ad stanicum ad racionem³, veniant ad stanicum illud aut debent mittere pro eis ad faciendum racionem³ ad illud stanicum. Et comes de Chelmo simili modo tenetur facere ut homines de Chelmo omnes qui vocati fuerint ad stanicum, veniant ad faciendum racionem³ ad illud stanicum vel debent⁴ mittere pro eis. Et si per illos iuratos iudices iudicatum fuerit sacramentum ad aliquem comitem vel ad eius filium aut filios, licitum sit illi cui iudicatum fuerit ut per se faciat iurare unum de suis nobilibus viris; et ille quando iurat debet stare prope illum pro quo iurare debet ad latus eius, et debet osculari eum ore. Et si comes de Chelmo per se habuerit ad querendum racionem³ supra comitem et Comune Ragusii vel supra aliquem de Ragusio, hoc debet esse primum placitum quod prius debet placitari ibi. Et si comes de Chelmo per se non habuerit ad querendum racionem³ supra comitem et Comune vel aliquem de Ragusio, et comes vel Comune Ragusii ad querendum habuerit supra comitem vel aliquem de Chelmo, istud debet esse primum placitum quod ibi placitetur. Et sit primum placitum comitis de Chelmo, secundum debet esse comitis et Comunis Ragusii. Et si comes et Comune Ragusii et comes de Chelmo per se non habuerint ad querendum, alii homines qui ibi fuerint ad querendum raciones⁵ suas debent ponere tessiram que pars debeat prius incipere placitare, et illa pars que per tessiram⁶ vicerit debet primo placitare, et alia pars secundo; et sic complentur omnia placita usque ad finem: una pars unum placitum, et alia aliud placitum. Et ille homo qui perdiderit placitum suum per sententiam⁷ illorum iudicum, de quacumque parte, dominus eius sine mora debet facere racionem³ illi qui vicerit placitum, nisi ipsi se ad invicem concordaverint.

Et si stanicum plenerium non fuerit ordinatum, et aliquis homo de Chelmo venerit ad querendum racionem³ supra aliquem hominem Ragusii, si Raguseus voluerit respondere et facere ei racionem³ ante Curiam Ragusii, faciat; et si noluerit, ordinet stanicum ante Curiam Ragusii ad constitutum locum et ad certum terminum secundum quod ordinatum fuerit ante Curiam; et quelibet pars debeat⁸ esse in illo loco, pars Raguseorum cum iudicibus Ragusii quos